

## पत्रुसकी टिवु यिकी थल्मा दी थेपकी कोर्ला

दी ति एशिया माइनरकी शारकी थाकाला वोतुप तेरी लुइबातिवाला टम्नी देतुप ख्रीष्टियानतिवाला पत्रुसकी टिवु यिकी तड्बु यिन। तिवाला ति “कोन्छयोक्की पेतुप” मीतिवा सिनी सिवी। दी यिकी टिकुप खक्छयेवु तेन्दोक ति दी यिकी रोकुपतिवाला डाडेड तेस्पला यिन। च्यिलासिसिन ख्रीष्टला तेपा क्यावु तप्की तिवा दुक्पा ताड छेटाडला ख्येल्लोक। तुक क्यानी पत्रुसकी तिवाला डाडेड तेस्प पेला येशू ख्रीष्टकी लेन ल्यामु ताड खो टुइनी डोसु लावु ताड खो येलुड फेक्किवी सिनी तिवाला तेन्तेन रेवा बिन वे। दुक्पा ताड छेटाड खुस्प ति तिवी क्यावु तेपा टेड्बु यिन। “ख्रीष्ट फेपुप तुजेला” खोकी तिवाला छ्यक्तक नङ्गिगी। ती तप्की लोदिमु क्यानी दुक्पा ताड छेटाड खुरिन सिरा हम कि गोकी।

दी यिकी रोकुपतिवाला दुक्पाकी पेला साड डाडेड तेरिन सिरा ख्रीष्टला तेपा क्यावु दोके मिजी क्योड सिनी पत्रुसकी गोइबा शु वे।

मुला राड वोतुप लोप्च्येनतिवा

यिकीकी कोर्ला १:१-२

कोन्छयोक्की नङ्गुप थर्वाकी कोर्ला टेन्सो १:३-१२

मिजी टेड्बु क्योड्गुप कोर्ला टोड्गु १:१३-२:१०

दुक्पाकी पेला साड कि गोवु ख्रीष्टियानकी लाकातिवा २:११-४:१९

ख्रीष्टियानकी कुसु ज्यम्बु ताड शब्ज्यी कितुप ५:१-११

सिन्दा क्यावु ५:१२-१४

पत्रुसकी टसी देलेक

1 टसी देलेक! इ येशूकी लोमा छये पत्रुसकी छयोक् नेसुर पोन्टस ताड गलातिया ताड कापाडोकिया ताड एशिया ताड बिथिनिया लुइबातिवा नेवा थरा थुरा गल्नी छियग्यपकी मी दोके टम देतुप कोन्छयोक्की पेन नङ्गुप मीतिवाला दी यिकी ति टिवु यिनो।

2 पपा कोन्छ्योककी थल्माला ख्यिराडला ल्यामो हाक्कोनी पेन नड्सुड, तमा खोकी थु चाड्मा नेसुर ख्यिराड चाड्मा च्युड्सुड। तुक क्यानी ख्यिरा येशू ख्रीष्टकी सुडला ड्येन्नी तेपा क्यासिमा खोकी ठक नेसुर चाड्मा च्युड्सुड।

ख्यिराड तेरीला कोन्छ्योककी कटिन ताड लोदिमु वुड्शी।

सेन्बु लुवु रेवाकी थोक्ला कोन्छ्योकला सोवा देकुप

3 दाक्पी चोवो येशू ख्रीष्टकी पपा कोन्छ्योकला सोवा देकिन। च्यिलासिसिन खोकी येशू ख्रीष्टला शेष ने डोसु लाड्नी खोकी खोरे छासेकी कटिन नेमा दाक्पुला मिजी सम्बा नाड्सुड। तमा दाक्पु शिसिनाड सेन्बु लुवु रेवा ड्येन वे।

4 ती तिराड मिन, कोन्छ्योककी खोरे पेन नड्गुप मीतिवाला थोपुप मोलाम साड नाड्सुड। ती मोलाम ति ना मोडोवु ताड मेटेड्बु मोडोवु ताड नाम्साड मेसेतुप यिन, तमा ती मोलाम ति दाक्पुला खोकी ग्येल्खापला टडिक क्यानी वे।

5 ख्यिरा कोन्छ्योकला तेपा क्यावु तप्की खोकी ख्यिराडला थर्वा नड्गुप पर सेक खोकी डार नेसुर ख्यिराडला र्होक्नी वे। ती थर्वा ति खोकी मी तेरीला ठिम क्या नड्गुपला फेवु पेला खोकी ख्यिराडला छ्या देन्दुपला टडिक क्या वे।

6 तुक क्यानी तन्दा ख्यिराड चेयी पर सेक रड्गी मिजीला छेटाड बडी वानी सेमला दुक्पा वोसिनाड गा कि गोकिवी।

7 ती छेटाड ति ख्यिरा तेपा टेड्बु वोतुप छ्या देन्दुपला यिन। ख्यिरा क्यावु तेपा ति सेर मे नाड्ला र्हेनी डोमा जोवु सिनाड छासे खक्छयेवु वोतुप तप्की येशू ख्रीष्ट फेपुप तुजेला ख्यिराडला खोकी ग्येल्खापला सोवा ताड मोवा ताड ताड्देन क्या नड्गिवी।

8 ख्यिरा खोला नाम्साड माथोडिसिनाड खोला ड्यिड्ज्ये किवी, तन्दा ख्यिरा खोला माथोडिसिनाड ख्यिरा खोला तेपा किवी, तमा ख्यिराडला नाम्साड ताम्डे क्या मिसिन्दुप गा ताड किर्मु गिवी।

9 च्यिलासिसिन ख्यिरा खोला तेपा क्यावु तप्की खोकी ख्यिराडला दिक्पा ने थर च्यिनी नाम्साड मिशिवु मिजी नड्गिवी।

10 ती थर्वाकी थोक्ला कोन्छ्योककी लुड्तेम्बातिवी साड ल्यामो क्यानी हाक्कोवु छाल्सुड। तमा तिवी कोन्छ्योककी ख्यिराडला थर्वा नड्गुप कटिनकी कोर्ला नमदर शेसुड।

11 तिबी ती थर्वा ति नम पेला गिबी, चुक क्यानी गिबी सिनी हाक्कोवु छाल्सुड। तमा तिबी सेमला वोतुप ख्रीष्टकी थु चाड्मा नेसुर ख्रीष्टकी खुर गोवु छेटाड ताड ती ज्युक्ला वुङ्गुप मोवाकी थोक्ला गोमाला के पड्बु छ्या तेन्सुड।

12 कोन्छयोककी लुङ्तेम्बातिवी नमदर शेतुप ताम्डे ति खोपे थोक्ला मिन, यिने ख्यिरा थोक्ला यिन। दी ताम्डे ति देवाच्येन नेमा तङ्गुप कोन्छयोककी थु चाड्मा नेमा ख्यिराडला लेन ल्यामु ख्याप्टाक कितुपतिवी तसाम ख्यिराडला सिक्थावु यिन। ती ताम्डे ति देवाच्येनकी लेन क्योलुप थुतिवी साड छसे ल्हाप गा किवी।

### मिजी टेड्बु क्योङ्गुप कोर्ला

13 तुक क्यानी रङ्गी सेम ति थिला ज्याक्नी डेकला दे। तमा येशू ख्रीष्ट फेवु पेला खोकी ख्यिराडला नङ्गुप कटिन थोपुपला ख्यिराड रेवा की।

14 ख्यिराड कोन्छयोककी कला इयेन्दुप खोकी पुज्युडपुमतिवा यिन्दुप तप्की गोमाला कोन्छयोकला डो माशेवु पेला क्यावु दोके सेम नोजु कितुप क्युर।

15 यिने ख्यिराडला कताड नङ्गुप चोवो कोन्छयोक टेड्बु वोतुप दोके ख्यिराड साड ख्यिरा मिजीला वोतुप तेरी किताड नालुतिवा टेड्बु वुड गोकिवी।

16 च्यिलासिसिन कोन्छयोककी सुडला “ड टेड्बु वोतुप दोके ख्यिराड साड टेड्बु वुड गोकिवी।”\* सिनी टि वे।

17 तमा सुला साड ख्ये मापेवा क्यानी मीतिवी क्यावु लाका ल्हानी ठिम क्या नङ्गुप कोन्छयोक ति ख्यिरा पपा सिनी सिक्थावु तप्की दी जम्बुलिडला देतुप पर सेक नरी खोला ज्यिवा खुनी मिजी क्योड।

18 ख्यिराडला छ्या वे, ख्यिरा पगावा हङ्गावातिवा नेसुर वावु तेर्मकी किताड नालुतिवा नेसुर ख्यिराड रङ्ज्येन थोप्सुड। ती ति ना डोप सेर ताड डुलतिवा दोके गोड तेनी ख्यिराडला थोपुप मिन,

19 यिने काड साड मडी मेतुप ताड चाड्मा वोतुप लुक स्क येशू ख्रीष्टकी गोड छ्येर्मु ठक नेसुर गोड तेनी ख्यिराडला थोपुप यिन।

20 कोन्छयोककी दाक्पुला रङ्ज्येन नङ्गुपला जम्बुलिड ज्येङ्गुप सिनाड गोमाला के येशू ख्रीष्टला पेन नङ्गुप यिन, यिने तिङ्मी तुजेला ख्यिरा थोक्ला येशू ख्रीष्टला दी जम्बुलिडला तड नङ्गुप यिन।

\* 1:16 १:१६ लेवी ११:४४-४५; १९:२; २०:७

21 खो नेसुर खिराड कोन्छयोकला तेपा क्या वे। कोन्छयोककी येशूला टुङ्गी शेषतिवा नेसुर डोसु लड च्यिनी मोवा नाड्सुड। तुक क्यानी खिराड तेपा ताड रेवा ति कोन्छयोकला ज्याकनी वे।

22 त खिराड खोकी सुड टेड्बुला युनी खिराड मिजी ति टेड्बु च्युङ्गुप तप्की रडगी अच्युनुपतिवाला खोनक्पा माक्यानी ड्यिङ्ज्ये कियी वे, तरोड साड सेमगी दिड नेज्यु च्यिककी च्यिकला छासे ड्यिङ्ज्ये की।

23 खिराड ति डोसु वोतुप ताड नरी लुवु कोन्छयोककी सुड नेसुर मिजी सम्बा ड्येतुप यिनो। खोकी सुड ति ना डोप मिन, यिने नाम्साड ना मोडोवु यिन।

24 तुक क्यानी कोन्छयोककी सुडला दुक सिनी टि वे,  
“तेरी मीतिवा च दोके यिन,  
मीतिवा चोछ्ये वोसिनाड तिवा ति चे मेन्दोक दोके यिन।  
च रेपा गल्सिमा मेन्दोक ड्यिल्गिबी,

25 यिने कोन्छयोककी सुड ति नरीकी नरी लुकिवी।”\*  
खिराडला ख्याप्टाक क्यावु सुड ति दी राड यिनो।

## 2

### कोन्छयोककी पेन नड्गुप गिपातिवा

1 तुक क्यानी खिराड लाका दुक्टा कितुप ताड जिनोक जोप ताड खोनक्पु कितुप ताड ठतोक डर्केल कितुप ताड मीला मारे तोङ्गुप तामडे तेरी क्युर।

2-3 खिराड कोन्छयोक च्यङ्च्यु सेम्बा वे\* सिस्सु ति हाक्कोसुड सिंसिन मलोक क्येवु आडातिवा वोमा छलुप दोके खिराड टेड्बु ताड चाड्मा वोतुप कोन्छयोककी सुडला युक्पु छासे नो की। तुक क्यासिन खिराडला मड मड दिक्पा ने थर्वा ड्येकिवी।

4 खिराड चोवो येशूकी चिप्ला शोक। खो ति खाड्बा जोप मीतिवी फेन मोथोवु यिन सिनी तेन्नी क्युरूप दो यिन, यिन्सिनाड कोन्छयोककी ती दो ति पेनी मीतिवी थोक्ला मिजी नड्गुप गोड छ्येन्बु वोतुप दो जो नाड्सुड।

5 खिराड साड कोन्छयोककी मिजी नड्गुप दो दोके यिन। खोकी ती दोतिवा दुम्नी खोरे थु चाड्माकी ल्हडाड जो नड्गिवी। तुक क्यानी खिराड ति येशू

\* 1:25 १:२४-२५ यशैया ४०:६-८

\* 2:2-3 २:२-३ भजन ३४:८

ख्रीष्ट नेसुर सेम टेड्बु क्यानी कोन्छयोकला गा लङ्गुप जिन्बा बुलुप चाड्मा वोतुप कोङ्गारतिवा यिनो।

6 च्यिलासिसिन कोन्छयोककी सुडला दुक सिनी टि वे,  
 “ल्होसा, ड सियोनला डे पेतुप गोड नावु सुरकी दो दोके यिन्दुप मिरा च्यिक  
 ज्योकिनो।  
 सी खोला तेपा किवे,  
 तिवा नाम्साड डोछाला मेख्येल्वी।”\*

7 तुक क्यानी ख्यिराड सी खोला तेपा किवे, तीकी थोक्ला खो गोड नावु वे,  
 यिने तेपा मिकिवुतिवी थोक्ला ति कोन्छयोककी सुडला साड दुक सिनी टि वे,  
 “ती दो ति खाड्बा जोप मीतिवी फेन मोथोवु सिनी क्युर वे,  
 यिन्सिनाड ती ति सुरकी दो च्युङ्गिगी।”\*

8 तमा यम्बा सुडला दुक सिनी टि वे,  
 “दो च्यिककी मीतिवाला नर्तुक ग्यक ज्यिकिवी,  
 तमा टक च्यिककी मीतिवाला तला ग्यक ज्यिकिवी।”\*

ती दोके क्यानी मीतिवा तला ग्यकिवी, च्यिलासिसिन तिवी कोन्छयोककी सुड  
 माङ्ग्येन्दुप तप्की यिन। तिवी थोक्ला तुकै च्युङ्गुप ति कोन्छयोककी गोमाला राड  
 सुङ्गुप सुडगी मुला डिकिवी।

9 यिने ख्यिराड याड तुकै मिन, ख्यिराड ति कोन्छयोककी पेन नङ्गुप गिपा  
 ताड खोकी ग्येल्खापकी कोङ्गार ताड टेड्बु वोतुप मिरिक ताड कोन्छयोककी  
 खोरे मीतिवा यिन। खोकी ख्यिराडला नक्तोमी ने थेन्नी खोकी हलेवु वोसिरला  
 टिन फेप्सुड। तुक क्यानी ख्यिरा खोकी हलेवु लाकातिवा मी यम्बाला ख्याप्टाक  
 कि थुप्शी।

10 गोमाला ख्यिराड सी गिपा साड मिनोक, यिने त याड ख्यिराड खोकी  
 गिपा च्युड वे। गोमाला याड ख्यिराडला खोकी च्यम्बा माथोप वे, यिने त याड  
 ख्यिराडला खोकी च्यम्बा थोप्नी वे।

कोन्छयोककी थोक्ला योक्पु दोके च्युङ्गुप कोर्ला

11 तुक क्यानी ड्यिङ्ग्येवु अच्युनुपतिवा, ड ख्यिराडला गोड्बा शोयी। दी  
 जम्बुलिडला दाक्पु ति ड्यिमा चेयी पर सेक तिराड देतुप छियग्यपकी मी ताड

\* 2:6 २:२६ यशैया २८:१६

\* 2:7 २:७ भजन ११८:२२

\* 2:8 २:८ यशैया ८:१४

टम्नी देतुप मी दोके यिन सिस्प हाक्कोनी खिरा सेमगी तेन्दोकला लङ्गुप जुकी नासाम दुक्टा नेसुर कुतुक दे।

12 यिने मिरिक यम्बाकी मीतिवी पर्ला खिरा किताड नालु ति ल्यामु वुड गोकिवी। सी खिराडला मेलोवा सिनी खिरा तेन्दोकला लासिनाड खिरा लाका ल्यामु क्यावु ति थोङ्नी कोन्छयोक फेवु तुजेला तिवी साड खोला सोवा देक्शी।

13 खिराड तेपा कितुप मी यिन्दुप तप्की चोछयेवु ग्येल्बु यिन्शी, ग्येल्बी ओडला देनी लुङ्बाला ग्येला कितुप मी छयेतिवा यिन्शी, चोवो कोन्छयोककी थोक्ला जम्बुलिडला वोतुप तेरी ओङ्ज्येन कितुपतिवी ओडला दे।

14 ती मी छयेतिवा ति लाका दुक्टा कितुपतिवाला छयेर्पा तेस्पला ताड लाका ल्यामु कितुपतिवाला ताङ्देन कितुपला ग्येल्बुकी पेतुप मीतिवा यिन।

15 च्यिलासिसिन कोन्छयोककी नोवा ति खिरा लाका ल्यामु क्यानी खिरा तेन्दोकला लानी ताम्डे मेलोवा कितुप मी अम्बारङ्शिशडतिवाला खरक्पा देतुप जोप यिन।

16 खिराड ति दिक्पी ओड नेमा रङ्ज्येन थोप्नी वे, तुक क्यानी रङ्ज्येन वोतुप मीतिवा दोके मिजी क्योड। रङ्ज्येन थोपुप तप्की खिराड ति काड लाका मेलोवा क्यासिनाड गिवी सिनी नासाम मातोड, यिने कोन्छयोकला शब्ज्यी कितुप योक्पु दोके च्युङ्नी मिजी क्योड।

17 मी तेरीला ताङ्देन की, तेपा कितुप अच्युनुपतिवाला ड्यिङ्ज्ये की, कोन्छयोककी थोक्ला ज्यिवा की, चोछयेवु ग्येल्बुला ताङ्देन की।

### ख्रीष्टकी दोके छेटाड खुस्प कोर्ला

18 खिराड योक्पुतिवा यिन्सिन, रङ्गी ज्यिन्दाकतिवाला ताङ्देन क्यानी तिवी ओडला दे। खिराडला ल्यामु कितुप ताड च्यङ्च्यु कितुप ज्यिन्दाकतिवाला तिराड मिन, यिने खिराडला दुक्टा कितुप ज्यिन्दाकतिवी ओडला साड दे।

19 चुका मी तीकी खोरो काड लाका मेलोवा माक्यासिनाड ज्यिन्दाककी छेटाड बिन्दुप पेला कोन्छयोकला नासाम ताङ्नी हम क्या देकिवे, ती मी तीला कोन्छयोककी गा किवी।

20 दोजो खिरा लाका दुक्टा क्यावु तप्की खिराडला मी दुसिनाड हम क्यानी देसिन ख्येप्साड गिवी सिसिन, खिरा लाका ल्यामु क्यानी दुक्पा खुस्प पेला हम क्या देकिवी सिसिन कोन्छयोककी खिराडला गा किवी।

21 च्यिलासिसिन खोकी ख्यिराडला तीकी थोक्ला कताड नड्गुप यिन। ख्रीष्टकी साड छेटाड खुनीं ख्यिरा थोक्ला पड्बु च्युड्सुड। ती तप्की ख्यिराड साड खोकी क्या नड्गुप दोके क्यानी मिजी क्योड गोकिवी।

22 खोकी काड साड दिक्पा माक्या, खोकी ख नेमा जिनोक जोप तामडे साड माथेन।\*

23 मीतिवी खोला मारे तोड्गुप पेला खोकी तिवाला छ्याक मालोक। दुक्पा तेस्प पेला तिवाला काड तामडे मेलोवा मासुड। यिने तुजे छेसिमा कोन्छ्योककी राड ठिम टेड्बु क्या नड्गिवी सिनी खोला रेवा क्यासुड।

24 तमा दाक्पी दिक्पातिवा तेरी क्युनीं कोन्छ्योककी थोड्दाडला टेड्बु वोतुप मिजी क्योडशी सिनी दाक्पी दिक्पा खोकी जुला खुनीं ग्यडिशडला टुड्सुड। खोकी जुला म थेन्दुप तप्की ख्यिरा नेजु टेक्सुड।

25 च्यिलासिसिन तोड्गुला ख्यिराड ख्यम्नी गलुप लुकतिवा दोके यिन, यिने त याड ख्यिरा सेम ल्हाटे कितुप गोठाला दोके यिन्दुप ताड ख्यिराडला रूहोकुप येशू ख्रीष्टकी ते ख्यिराड लोकनी वा वे।

### 3

#### ख्योवा ताड पेमींकी कोर्ला

1 तुक राड क्यानी पेमींतिवा रडगी ख्योवी ओडला दे। तुक क्यासिन कोन्छ्योककी सुडला मेड्येन्दुप ख्योवा साड पेमींकी किताइ नालु ल्यामु वोतुप थोड्सिमा कोन्छ्योककी कोर्ला काड मालापिनाड ख्योवी सेम साड कोन्छ्योककी थाकाला ग्युकिवी।

2 च्यिलासिसिन ख्यिरा मिजी टेड्बु वोतुप ताड ख्यिरा तिवाला ताड्देन क्यावु ति तिवी थोड्गिवी।

3 तुक क्यानी ख्यिराड रूह शेनी सेरकी क्येड्येन तानी मज्या ल्यामु कोन्नी फिला तिराड छ्यावु दोके जेमु जोप मिन,

4 यिने ख्यिरा सेमगी दिड्ला ति नाम्साड मोफोवु कुसु ज्यम्बु ताड हम क्या देतुप च्युड्नी मज्या ल्यामु कोन्नी छ्यावु दोके जेमु जो। ती ति कोन्छ्योककी थोड्दाडला छासे गोड नावु वे।

\* 2:22 २:२२ यशैया ५३:९

5 च्यिलासिसिन तोड्‌ला कोन्छ्योकला रेवा कितुप आमपुम टेड्‌बुतिवी साड्‌ तुक राड्‌ क्यानी खोरो ख्योवी ओडला देसुड्‌।

6 साराकी साड्‌ खोरो ख्योवा अब्राहामला चोवो सिनी ख्योवी सिक्क्यावु ताम्‌डेला ड्येन्सुड्‌। दोजो ख्यिरा साड्‌ तुक राड्‌ क्यानी काड्‌गी थोक्ला साड्‌ ज्यिवा माक्यानी लाका टेड्‌बु तिराड्‌ क्यासिन ख्यिराड्‌ साड्‌ सारा दोके यिनो।

7 तुक राड्‌ क्यानी ख्योवातिवी साड्‌ रड्‌गी पेमीं ति रम्बु मेतुप यिन सिमाक्यानी तिवाला ताड्‌देन क्यानी मुला राड्‌ मिजी क्योड्‌, च्यिलासिसिन ख्योवा ताड्‌ पेमीं ति कोन्छ्योककी कटिन नड्‌गुप मिजी मुला राड्‌ क्योड्‌गुपला जो नड्‌गुप यिन। तुक क्यासिन ख्यिराड्‌ मोपोर कितुप पेला ख्यिराड्‌ला कले मेड्‌शी।

लाका टेड्‌बुकी थोक्ला छेटाड्‌ वुड्‌गुप कोर्ला

8 तेरी सिनाड्‌ तिड्‌ला ड्‌ काड्‌ सिरिन सिसिन, ख्यिराड्‌ सेम च्यिक्पा राड्‌ च्युड्‌गुप ताड्‌ च्यिककी च्यिकला दुक्पाला ख्येलुप पेला डाडेड्‌ तेस्प ताड्‌ ड्यिड्‌ज्ये कितुप ताड्‌ च्यम्बा कितुप ताड्‌ छ्येजु मिकिवु वुड्‌ गोकिवी।

9 ख्यिराड्‌ला मेलोक्पा कितुपतिवाला मेलोक्पा माकी, याड्‌ना मारे तोड्‌गुपतिवाला ड्येन मालाड्‌, यिने तिवाला मोलाम बिन। च्यिलासिसिन तीकी थोक्ला राड्‌ कोन्छ्योककी ख्यिराड्‌ला पेन नड्‌गुप यिन। तुक क्यासिन खोकी ख्यिराड्‌ला मोलाम नड्‌गिवी।

10 च्यिलासिसिन कोन्छ्योककी सुड्‌ला दुक सिनी टि वे,  
“चुका मी तीकी रड्‌गी मिजीला गा कितुप ताड्‌ लोदिमु छोलुप नोकिवे,  
तीकी खोरो ख नेमा ताम्‌डे मेलोक्पा मलाप्शी,  
तमा जिनोक जोप ताम्‌डे साड्‌ मिकिशी,

11 तमा मेलोक्पा कितुप नेसुर लोकनी लाका ल्यामु किशी,  
तमा लोदिमु छल्नी ती लोदिमुकी तिड्‌ला तिड्‌योक्शी।

12 च्यिलासिसिन चोवोकी सुड्‌ला युक्पतिवाला खोकी शाल जिक्किवी,  
तमा तिवी क्यावु मोपोर साड्‌ ड्येन्गिवी।

यिने कोन्छ्योककी सुड्‌ला मुयुकुपतिवाला ति खोकी शाल मिजिवी।”\*

13 दोजो ख्यिरा मीतिवी थोक्ला लाका ल्यामु कितुपला छासे नो क्यासिन सी ख्यिराड्‌ला मेलोक्पा किवी रो?

\* 3:12 ३:१०-१२ भजन ३४:१२



14 यिने ख्यिराड लाका टेइबुकी थोक्ता दुक्पा खुर्सुड सिसिन ख्यिराडला मोलाम थोपुप यिनो। मीतिवी ख्यिराडला ज्यिवा कुसिन ख्यिराड ज्यिवा माकी, यर्मिन मर्मिन साड माडो।

15 यिने येशू ख्रीष्टला चोवो सिनी सेमगी दिड नेज्यु मोवा की। तमा ख्यिरा क्पावु रेवाकी कोर्ला ललाइकी ख्यिराडला टिसिन तीकी टिलेन तेस्पला नरी टडिक क्पानी दे। यिने ख्यिराड कुसु ज्यम्बु कितुप ताड ताड्देन क्पानी किसा।

16 तमा ख्यिराड सेम टेइबु क्पानी दे, तुक क्पासिन ख्यिरा ख्रीष्टला ताड्देन क्पानी क्पावु लाकाकी तेन्दोकला लङ्गुपतिवा तिवी क्पावु लाका मेलोवाकी थोक्ता डोछा लङ्शी।

17 दोजो कोन्छ्योककी नोवा तुकै राड यिन्सिन लाका मेलोकपा क्पानी दुक्पा खुरूप सिनाड लाका ल्यामु क्पावु तप्की दुक्पा खुरूप ति मड ल्यामु यिन।

18 च्यिलासिसिन चोवो येशू ख्रीष्ट साड दिक्पातिवी तेन्दोकला थेड्मा च्यिक टुइसुड, खो दिक्पा मेसिनाड मेटेइबुतिवाला कोन्छ्योककी मुला तम्जी ल्यामु जोपला टुङ्गुप यिन। खोकी जु ति टुड सिनाड खोकी थु ति कोन्छ्योककी डोसु लाइसुड।

19 खोकी थु ति ड्येलाला शोस्प नम्शिडतिवाला फेप्नी कोन्छ्योककी सुड ख्याप्ताक क्पा नाइसुड।

20 ती नम्शिडतिवी थल्माला नोआकी टु जोप पेला कोन्छ्योककी कला माइयेन, यिन्सिनाड कोन्छ्योककी तिवी थोक्ता हम क्पानी गुसुड। तमा ती टी नाइला शवु मी मिरा ग्ये तिराड छ्यु नेसुर र्होकसुड।

21 ती छ्यु ति तन्दा ख्यिराडला साड र्होकुप बप्तिस्माकी थोक्ता गोमाला के छ्या तेन्दुप त यिन। ती बप्तिस्मा ति जुकी टेमा शलुप मिन, यिने ख्यिरा सेम टेइबुकी कोन्छ्योक ताड मुला थाक्छ्येतुप त यिन। च्यिलासिसिन कोन्छ्योककी येशू ख्रीष्टला टुङ्गुप नेसुर डोसु लाइनी ख्यिराडला शेप ने थर च्यिसुड।

22 खो देवाच्येनला फेप्सुड, तमा देवाच्येनकी लेन क्योलुप थुतिवा ताड ओइज्येन कितुपतिवा ताड डारतिवाला खौर ओडला ज्याक्नी खो ति कोन्छ्योककी यावी थाकाला वोतुप ठीला ज्युसुड।

## 4

कोन्छ्योककी थोक्ता मिजी क्योङ्गुप

1 चुक कयानी ख्रीष्टकी खोरे जुला दुक्पा खुर नाइसुड, ख्यिरा साड खोकी दोके कयानी दुक्पा खुस्पला टडिक कयानी दे। च्यिलासिसिन सी ख्रीष्टकी थोक्ला जुला दुक्पा खुर्किवे, तीकी दिक्पा कितुप क्युर्किवी।

2 तमा तीकी खोरो मिजी वोता सेक दुक्टा कितुप नोवाला मिन, यिने कोन्छयोक्की नोवाला मिजी क्योङ्गिबी।

3 तोङ्ला याड ख्यिराड साड यहदी मिन्दुप मिरिक यम्बाकी मीतिवा दोके दुक्टा कितुप ताड नासाम मेलोक्पा तोङ्गुप ताड छ्याङ्गोले कितुप ताड इयाम तोङ्गुप ताड सज्युरे कितुप ताड कुतिवाला तेन्नी डोछा लङ्गुप लाका कयानी बडी लाताक च्यक्सुड।

4 यिने त याड ख्यिराड तुका सेम नोजु कितुप लाका ति तिवी मुला च्यिक्पा राड कयानी मिकिवु ल्हानी कोन्छयोक्ला डो मेशेवु मीतिवा हलेवा लानी ख्यिराडला मारे तोङ्गिबी।

5 यिने सेन्बु वोतुप ताड शोपतिवाला ठिम क्या नङ्गुप कोन्छयोक्ला तिवी क्यावु लाकाकी ची ति तिवी ते राड गोकिवी।

6 ती तप्की शोपतिवाला साड लेन ल्यामु ख्याप्ताक क्यावु यिन। तुक कयानी तिवा दी जम्बुलिडला देतुप पेला तिवी क्यावु लाकाकी थोक्ला ठिम फोक्सिनाड नम्शिड ति कोन्छयोक् ताड मुला देकिवी।

7 दी जम्बुलिडकी तिङ्मी तुजे वुङ्गियन वे। तुक कयानी ख्यिराड मोपोर ल्यामु कितुपला सेम थिला ज्याक्नी च्याङ्से देता।

8 ख्यिराड तेरी सिनाड मड च्यिककी च्यिकला नरी इयिङ्ज्ये की। च्यिलासिसिन इयिङ्ज्येकी राड दिक्पातिवा बडी ताकिवी।

9 ख्यिराड ख्यिरा खाड्बाला वुङ्गुप डेन्बुतिवाला मुक्तम मातेन्नी च्यिककी च्यिकला ताङ्देन किसा।

10 ख्यिराड सुला कोन्छयोक् नेमा मीतिवाला शब्ज्यी कितुपला ओड थोप्वे, ती ओड थोपुप दोके कयानी च्यिककी च्यिकला शब्ज्यी की।

11 सी कोन्छयोक्की सुड ख्याप्ताक किवे, तीकी कोन्छयोक् नेमा थोपुप ओड नेसुर राड ख्याप्ताक की। सी शब्ज्यी किवे, तीकी कोन्छयोक् नेमा वावु ओड नेमा शब्ज्यी की। तमा ख्यिरा क्यावु तेरी लाका नेसुर येशू ख्रीष्टकी छयोक् ने कोन्छयोक्ला सोवा वुङ्शी। तमा तेरी मोवा ताड ओड ति नाम्साड मोतोस्प तुजे सेक कोन्छयोक्ला वुङ्शी, आमिन।

कोन्छयोक्ला तेपा क्यावु थोक्ला दुक्पा खुस्प

12 ड्रियङ्ज्येवु अच्युनुपतिवा, ख्यिराङला तेपा रम्बु जोपला छासे खोक्पा ल्हाप छेटाङतिवा ख्येलुप पेला ख्यिराङ मिच्चियक्पा च्युङ्सुङ सिनी हलेवा माकी,

13 यिने ख्यिराङ ख्रीष्टकी थोक्ला छेटाङ खुस्पतिवा यिन्दुप तप्की ती पेला गा की। तुक क्यासिन खोकी मोवा छ्या देन्दुप पेला ख्यिराङला मङ लोदिमु ताङ गा लङ्गिगी।

14 दोजो ख्रीष्टला तेपा क्यावु तप्की मीतिवी ख्यिराङला ड्रियङ्मर क्यासिन ख्यिराङला मोलाम थोपुप यिनो, च्यिलासिसिन कोन्छयोक्की मोवा वोतुप थु चाङ्मा ति ख्यिरा मुला ज्यु वे।

15 यिने ख्यिराङ सु साङ मी सेतुप ताङ कुन कितुप ताङ दुक्टा कितुप ताङ मी यम्बी लाकाला लाक्पा ग्यप्नी छेटाङ माखुर।

16 यिन्सिनाङ ख्यिराङ येशूला तेपा क्यावु तप्की दुक्पा खुर्किवी सिसिन ख्यिराङ डोछा माकी, यिने कोन्छयोक्ला राङ सोवा तेक।

17 च्यिलासिसिन कोन्छयोक्की खोरे मीतिवाला ठिम क्या नङ्गुप तुजे गो जुवु पेला लेप्नी वे। खोकी सुङला ड्येन्दुपतिवाला साङ खोकी ठिम क्या नङ्गिगी सिसिन खोकी सुङला तेपा मिकिवुतिवाला याङ चुका पर्च्या मङ्मु के फोकिताङ?

18 तमा कोन्छयोक्की सुङला साङ दुक सिनी टि वे,  
“दोजो कोन्छयोक्की सुङला युक्प मीतिवाला साङ दिक्पा ने थस्पला कले वोसिन टेङ्बु मेतुपतिवाला याङ चुकै के डि ताङ?”\*

19 तुक क्यानी कोन्छयोक्की नोवाला वोतुप दोके दुक्पा खुस्प मीतिवी लाका ल्यामु क्यानी खोपे सेम ति खोङ्तेर्मु वोतुप कोन्छयोक्ला चेक ते गोकिगी।

## 5

चर्चकी गोमा कितुपतिवा ताङ नाज्युङतिवाला

1 तमा ख्यिराङ चर्चकी मीतिवी पर्ला गोमा कितुपतिवाला ङ गोङ्बा शोयी। ङ साङ चर्चकी गोमा कितुप मी यिन, तमा ख्रीष्टकी छेटाङ खुस्प थोक्ला साङ

\* 4:18 ४:१८ हितोपदेश ११:३१

पड्बु तेरुप मी यिन। ज्युकला ख्रीष्टकी मोवा छ्या देन्दुप पेला खिरा मुला राड डला साड ती मोवा ति थोष्किवी।

2 खिराडला चेक तेन ज्युकुप कोन्छ्योककी पेतुप मीतिवाला लुक गोठालाकी लुकतिवाला ल्हावु दोके क्यानी ल्यामु ल्हटे किसान। कर्खापला ख्येल्ली कितुप मिन, यिने कोन्छ्योककी नोवा यिन सिनी सेम्बा सेमगी किसान। टड्गा डेवी देर्पाला ख्येल्ली मिन, यिने गा क्यानी किसान।

3 खिराडला चेक तेन ज्युकुप मीतिवाला ओड्ज्येन क्यानी मिन, यिने खिरा मिजी ति तिवा थोक्ला पड्बु च्युड गोकितो।

4 तमा लुक गोठाला छ्ये दोके यिन्दुप ख्रीष्ट फेपुप पेला खिराडला नाम्साड मेसेतुप मोवा वोतुप ग्येल्वुकी उशाक थोष्कितो।

5 तमा नाज्युडतिवा, गावागुवातिवी ओडला देता। च्यिक ताड च्यिककी ओडला देनी छ्येजु मिक्वि वुड गोकितो। च्यिलासिसिन “छ्येजु कितुप मीतिवाला कोन्छ्योककी गा मलाङ्गिगी, यिने छ्येजु मिक्वि मीतिवाला खोकी कटिन नङ्गिगी।”\* सिनी कोन्छ्योककी सुडला साड टि वे।

6 ती तप्की चोछ्येवु कोन्छ्योककी ओडला देनी खुरुड छ्येजु मिक्वि वुड गोकिवी। तमा खोकी नोक्यावु तुजेला खिराडला छ्ये जो नङ्गिगी।

7 खिराडला चुका पपतिवा वोसिनाड खोला चेक ते, तमा खोकी खिराडला ल्हटे क्या नङ्गिगी।

8 च्याड्से देता, ड्यी मालोकनी देता! च्यिलासिसिन खिरा ड शैतान ति सुला थोष्किवे, तीला साप सिनी वोरुप सेङ्गी दोके वोरिन वोतो।

9 तुक क्यानी खिराड तेपा रम्बु क्यानी तीकी तेन्दोकला लोसा, च्यिलासिसिन जम्बुलिड तेरीला वोतुप खिरा अच्युनुपतिवी साड तुकै राड छेटाड खुरिन वोतो।

10 कोन्छ्योक ति खिराडला तेरी कटिन नङ्गुप कोन्छ्योक यिन। खोकी येशू ख्रीष्ट ताड मुला नाम्साड ना मोडोवु मोवाला खिराडला कताड नड वे। तमा चेयी पर सेक ति खिरा छेटाड खुर्सिनाड खोकी खिरा क्यावु दुक्पा नेसुर खिराडला छ्ये जो नङ्गिगी। तमा खिराडला फार छुर मोयोम्बुप ताड डार छ्येवु जोनी खिरा तेपा ति डम्ज्यी रम्बु तिङ्गुप दोके जो नङ्गिगी।

11 खोला राड ओड ताड डार ति नरीकी नरी वुड्शी। आमिन।

पत्रुसकी तिङ्माला टसी देलेक सिक्पावु

\* 5:5 ५:५ हितोपदेश ३:३४

12 दी यिकी ति खोइतेर्म वोतुप डे नुप सिलासला टिक च्यितुप यिनो। दी यिकी ति ख्यिराडला टोइगु तेस्पला ताड कोन्छयोक्की कटिन टेइबु ति दी राड यिन सिनी पइबु तेस्पला टिवु यिनो। तुक क्यानी ख्यिराड दी कटिनला ल्यामो क्यानी देता।

13 बेबिलोनकी चर्चला वोतुप कोन्छयोक्की पेन नइगुप तेपा कितुपतिवा ताड डे पुज्युड दोके राड यिन्दुप मर्कूसकी साड ख्यिराडला टसी देलेक सिनी ताड वोतो।

14 ख्यिराड च्यिककी च्यिकला ड्यिइज्ये क्यानी टसी देलेक सिसा। ख्रीष्ट येशूला तेपा कितुपतिवा तेरीला लोदिमु बुइशी।

कोन्छ्योककी सुड

**Sherpa: कोन्छ्योककी सुड New Testament**

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

b834b297-b0c6-512e-bce6-f4d9b41b94be